

# SCRIPTUM

DOM. PROTECTORIS

*Reipublicæ Angliæ, Scotiæ, Hi-  
berniciæ, &c.*

Ex consensu atque sententiâ

CONCILII SUI

EDITUM;

In quo hujus Reipublicæ Causa contra

**HISPANOS**

justa esse demonstratur.



---

L O N D I N I :

Excudebant *Henricus Hills & Iohannes Field,*  
Impressores Dom. Protectori. 1655.

# SCRIPTUM

DOM. PROTECTORIS

Reipublice Anglie, Scotie, Hi-  
bernice, &c.

Ex consensu apud Parlamentum

CONCILII SUI

EDITUM

In quo habet Reipublice Causa contra

# HISPANOS


iusta esse demonstratur.



L O N D O N :

Excudebat Iohannes Hill & Iohannes Field,  
Imprimatores Dom. Protectoris 1677.

Scriptum Dom. Protectoris Reipubli-  
 cae Angliae, Scotiae, Hiberniae, &c.  
 ex consensu atque sententia Concilii  
 Sui editum; in quo hujus Reipublicae  
 Causa contra Hispanos, iusta esse  
 demonstratur.



Uibus causis adducti, quas-  
 dam insulas in occidentali  
 India, ab Hispanis jam an-  
 tea occupatas, adorti nuper  
 sumus, eas & iustas esse &  
 rationi quam maxime con-  
 sentaneas nemo est quin facile intelligat,  
 qui modò secum reputaverit, quemadmo-  
 dum Rex ille, ejusque subditi erga gentem  
 Anglicanam in illo tractu Americano  
 semper se gesserint; non alium nempe ad  
 modum nisi perpetuò planè hostilem, qui  
 modus sese gerendi ab ipsis & initium ha-  
 buit injustissimum, & ab eo tempore con-  
 tra gentium commune jus, contra fœde-  
 rum peculiare inter Anglos atque Hispanos

nos leges eâdem est prorsus ratione continuatus.

Fatendum quidem est Anglos, his annis proximis, vel iniqua æquo animo fere pertulisse, vel se duntaxat defendisse; unde forsitan potest fieri, ut nonnulli de illa nuper in occidentalem Indiam nostræ classis profectione ita sentiant, quasi de bello à nobis ultrò incæpto atque illato, non quasi de eo, quod re quidem verâ ab Hispanis ipsis & primò ortum atque conflatum, & (quanquam hæc Respublica, quod in se erat, confirmandæ Pacis, & Commereij iis in locis habendi causâ nihil prætermisit) ab iisdem hæctenus continuatum summoque studio gestum reperietur: Qui quoties oblata sibi occasio est, nullam omnino justam ob causam, nullâ injuriâ laceffiti, occidere, trucidare, imò sedatis nonnunquam animis obtruncare nostros illic homines quos visum est, bonis etiam atque fortunis direptis, Coloniis habitationibusque deletis, navibus, si quas per illa maria offendent, captis, hostium imò prædonum in numerq habere non desinunt. Illius enim



enim nominis opprobrio omnes cuiuscunque gentis, præter se solos, afficiunt, qui illa maria navigare audeant. Neque hoc alio jure aut meliore se facere intelligunt, quam Papæ nescio quâ donatione nixi, & quod partes quasdam illius occidentalis plagæ ipsi primi omnium scrutati sunt: quo nomine ac titulo novi illius orbis jus omne, ac ditionem universam ad se solos pertinere contendunt: de quo titulo sanè quàm absurdo copiosius dicendi locus erit, cùm ad expendendas eas causas veniemus, cur Hispani exercere omne genus hostilitatis in nostros illic homines usque eo licere sibi arbitrentur, ut qui illas in oras aut tempestate appulsi, aut naufragio ejecti, aliòve simili casu delati sunt, eos non ut captivos ad vincula solum, sed in servitutem etiam redigant, ipsi tamen ruptam sibi Pacem etiam in Europa, & gravissimè violatam existiment, si Angli vicissim, paria reddendi, resque suas repetendi causâ, quicquam iis in locis contra eos moliuntur.

Verum, etiamsi Hispaniæ regis apud nos  
le-

legati, Hispanicâ factione, quæ semper in Concilio Regis proximi, Patriſque ejus plurimum potuit, confuſi, ſiquid Angli hoc in genere feciſſent, leviſſimis de cauſis querimonias & poſtulationes iniquas & ridiculas afferre non dubitarint, ſed tamen Reges, Hiſpanis licet nimium addicti, ſuorum ſubditorum conſtringi noluerunt manus, ubi Hiſpani ſuas eſſe ſolvendas exiſtimarunt: imò vim vi propulſare, & Hiſpanos, qui ad Pacem iis in locis ſervandam perducere nullo modo potuerunt, in hoſtium numero habere ſuis permiſerunt. Adeo ut anno circiter milleſimo ſexcenteſimo & quadrageſimo cum hæc res in Concilio regis proximi agitata eſſet, poſtularetque Hiſpanorum legatus ut na- ves quædam in Americam proſecturæ, & in oſtio fluminis vela jam facere paratæ prohiberentur, propterea quòd hoſtilitatis in Hiſpanos illis exercendæ poteſtate eſſent inſtructæ, ſimulque ipſe jus commercii in occidentali India habendi poſtulationibus per Conſiliarios quorundam regis, ad eam rem conſtitutos, Anglis denegaret, pla-

placuit ut illæ naves institutum iter suum  
persequerentur, quod & factum est.

Hactenus prædicti Reges subditis suis,  
bellum iis in locis ob rationes suas priva-  
tim suscipientibus, non defuerunt: tam-  
etsi, propter potentiam Hispanicæ factio-  
nis supradictæ, publicè, pro eo ac debue-  
rant, & existimatione gentis pristinâ dig-  
num erat, causam eorum suscipere nolue-  
runt. Et nobis certè contumeliosum æ-  
què & indignum fuisset, quibus, largiente  
Deo, tot naves ad omnem maritimi belli  
usum ornatae atque instructæ in promptu  
erant, si eas carie potius corrumpi otiosas  
domi voluissimus, quam ad ulciscendum  
Anglorum, quidni etiam dicam, Indorum  
sanguinem, ab Hispanis tam injustè tam  
inhumanè totiesque fustum, illis in locis  
usui esse. Quandoquidem *Deus fecit ex uno  
sanguine totam gentem hominum, ut habitaret su-  
per uni versâ superficie terræ, definitis præstitutis  
temporibus, & positis terminis habitationis eorum.*  
Et certè Deus, quocunque id tempore, cu-  
juscunque id manu administrandum sit,  
tanti sanguinis innocentissimi, tantarum  
B cadium,

ædium, quibus tot millia Indorum ab Hispanis tam barbarè occisa sunt, tantarum denique injuriarum, quibus illæ gentes miserè sunt ab iisdem vexatæ atque oppressæ, certissimas aliquando pœnas repetiturus est.

Verum ad communem hominum inter se necessitudinem, quæ fraterna sanè est, quæque facit ut gravissimæ & atrocissimæ quorumvis mortalium injuriæ ad reliquos omnes pertinere quodammodò videantur, necesse non est ut recurramus: cum ipsorum hominum nostrorum factæ cædes ac spoliationes satis causæ quamobrem a nobis illa nuper expeditio suscepta sit, satisfque justam vindicandi materiam dederint: ut nequid præterea nostrarum in præsentia rationum, ut ne in futurum etiam nostram ipsam sociorumque incolumitatem, eorum præsertim qui orthodoxam Religionem colunt, consideremus; ut alias denique causas, quæ illam nobis expeditionem suaserunt, quasque nunc sigillatim enumerare consilium non est, omittamus: cum non causæ singulæ sed ipsius rei jus atque

atque æquitas declaranda nobis proponatur. Quod ut clarius faciamus, & generatim dicta particulatim explicemus, ad præterita referre oculos paulisper oportebit: quæq; inter Anglos atque Hispanos transacta sint, quo statu res eorum utrinque, ad se mutuò quod attinet, fuerint, ex quo & perlustrata primò occidentalis Indiæ ora, & reformata Religio est, strictim percurrere. Quæ duæ res maximæ, cùm eodem ferè tempore accidissent, permagnas ubique conversiones orbis terrarum rebus attulere; ad Anglos præsertim & Hispanos quod spectat, qui diversam ab eo tempore & penè contrariam res suas agendi rationem secuti sunt. Tamen si enim Rex proximus, ejusq; Pater, adversis fermè totius populi Anglicani studiis atque sententiis, duo fœdera cum Hispanis quoquo modo sarserunt, diversi tamen illi utrorumque sensus ac studia ex diversâ religione nata, perpetuæque in occidentali India controversiæ, & Hispanorum simul, dum suis illic thesauris metuunt, suspiciones de Anglis ab initio conceptæ, cum hujus Reipublicæ

conatus in assequendâ æquis atque honestis conditionibus Pace inutiles nuper reddidere, tum præcipuas re verâ causas *Philippo secundo* præbuere, ut, regnante *Elizabetha*, antiquum illud diûque inviolatum fœdus, quod huic genti cum majoribus ejus, tam Burgundici quam Castellani generis intercesserat, rumperet, & illato illi Regina bello, nationem hanc totam subigendam sibi proponeret, idque ipsum anno supra millesimum quingentesimo octuagesimoque octavo (dum interea de Pace stabilienda agebatur) omni impetu aggredideretur: quod quidem in Anglorum animis necesse est adhuc altè residere, neque inde posse facile evelli. Et quanquam postea pax quædam & commercium in Europa fuit (quamvis ejusmodi nunquam ut Anglorum quisquam suam profiteri Religionem in Hispanicâ ditione, aut Sacra Biblia habere domi, ne in navi quidem ausus fuerit) in occidentali tamen India Hispanus nunquam ex eo tempore, aut pacem esse aut commercium est passus; etiamsi in illo fœdere *Hemici octavi* Regis Angliæ

Angliæ, cum *Carulo quinto* Imperatore anno millesimo quingentesimo quadragesimo secundo de utraque illa re disertis verbis convenisset; in quo fœdere nominatim pax atque liberum commercium inter utrosque & utrorumque populos per omnem alterutrius ditionem, portus, & territoria quæcunque sancitum est, sine ulla occidentalis Indiæ exceptione, quamvis illam tunc temporis Imperator ille obtineret.

Quod autem ad Articulum Pacis per universum terrarum orbem colendæ, is quidem articulus in omnibus Pacis fœderibus, quæ inter utramque gentem unquam extitere, dilucidè continetur; neque ulla de commercio ullo in fœdere exceptio habetur ante illud anni millesimi sexcentissimi quarti, cum quo fœdus illud postremum anni millesimi sexcentissimi trigelimi hac de re per omnia consentit. In quibus duobus proximis fœderibus, per omnes atq; singulos utriusq; imperii fines commercium convénit, *Quibus in locis ante bellum* inter Philippum secundum Hispaniæ Regem,

Regem, & Elizabetham Angliæ Reginam  
*fuit commercium juxta & secundum usum & ob-*  
*servantiam antiquorum fœderum & tractatum*  
*ante id tempus initorum.*

Hæc ipsa fœderum verba sunt ; quæ rem  
 dubiam relinquunt, atque ita Rex Jacobus  
 pacem cum Hispanis quoquo modo con-  
 ficere satis habuit, cum eandem de pace  
 tractationem resumeret, quæ paulò antè  
 mortem Elizabethæ inchoata fuerat ; in  
 qua etiam tractatione suis illa deputatis  
 inter cætera mandaverat, ut de commer-  
 cio libero in occidentali India habendo in-  
 stantèr agerent.

Verum Rex Jacobus ( qui pacis cum  
 Hispanis faciendæ admodum erat cupidus )  
 ita istam clausulam relinquere contentus  
 erat, ut utrique parti eam suo modo inter-  
 pretandi facultas esset ; quanquam si illa  
 verba *Usum & observantia antiquorum fœderum,*  
*& tractatum,* sic intelligenda sunt (ut par  
 est) juxta & secundum id quod jure fieri  
 debuit, non juxta & secundum quod ex  
 parte Hispanorum ad manifestissimam eo-  
 rum violationem factum est, quæ Anglis  
 que-



querimoniarum, utrisque dissidiorum materia perpetua erat, ex ipsis antiquorum fœderum disertis verbis clarissimum est, per omnem Hispanorum ditionem, quæcunque illa esset, tam commercii quam pacis jus Anglis fuisse.

Cæterùm si antiqua fœdera & pactiones servandi ratio ab eorum manifestâ violatione petenda est, habent Hispani obtentum aliquem sic interpretandi illam in postremis fœderibus clausulam, quasi commercium illis in locis exciperet. Et tamen ad dimidiam usque illius temporis partem quod inter supradictum fœdus 1542, & initium belli a Philippo secundo contra Elizabetham suscepti intercessit, quantum ipsis ex rebus gestis intelligi potest, haud minus permitti illis in locis quam prohiberi commercium apparet. At posteaquam Hispani commercium omnino recusarunt, à permutandis mercibus ad alternandos ictus ac vulnera deventum est, tam ante bellum inter Philippum & Elizabetham ortum, quam post pacem ab Jacobo Rege anno 1604 factam; alteramque

que ab ejus filio anno 1630, ita tamen ut hinc commercium per Europam non interPELLARETUR; tamen nunc primum Hispaniæ Rex, post hanc nuper nostrarum rerum retentionem, eorum locorum controversias ad hæc etiam Europæ loca propagandas interpretatus est.

Verum neque in fœderum interpretatione, neque in jure commercii ex illis fœderibus, aliave ratione habendi insistimus; quasi in iis fundamenta hujus dissidii jacienda necessario sint, cum id clarissimis atq; evidentissimis rationibus nitatur, quod statim planum faciemus. Sunt tamen ejusmodi nonnulla, quæ, etsi bellum iis fundari non ita necesse est, possunt, neque injuria, impedimenta esse sancientiæ pacis, aut instaurandi saltem fœderis, in quo ea non conceduntur, vel quæ in prioribus patetis concessa sunt, vel non immerito expectari queunt. Quod etiam pro responso esse potest ad id quod quæritur, quare, quandoquidem antiqua fœdera cum aliis omnibus populis redintegravimus, idem cum Hispaniæ Rege non fecimus; neque con-

continuo nos in conditionibus foederis  
 dextrum ejus oculum, multoque minus  
 ambos (quod objicitur) ejus oculos postu-  
 lasse, si crudelissimæ Inquisitioni obnoxii  
 esse; ubi commercium permissum est, no-  
 luimus, dandumque nobis commercium  
 institimus, unde, neque per antiqua fœde-  
 ra, neque communi jure excludendi sumus.  
 Tamen si enim Rex Hispaniæ id sumpsit si-  
 bi ut nobis commercii leges finisque præ-  
 scriberet, Romani pontificis lege quâdam  
 fretus, quâ is omne commercium cum Tur-  
 cis, Judæis, aliisque infi-  
 delibus vetat, \* eoque no-  
 mine etiam pacis tempo-  
 re naves ejus bellicæ aliis  
 etiam in locis præter-  
 quam in India occidenta-  
 li nostras naves ceperunt  
 & expilarunt, & quan-  
 quam simili Papæ autho-  
 ritate ejusque donationis  
 titulo jus in Indos sibi  
 vendicat, perinde quasi  
 sibi jure essent subiecti, etiam illi, qui neque

\* *Gulielmus Stephanus Bristo-  
 lensis, alique Mercatores ali-  
 quot Londinenses anno 1606, &  
 1607, cum per oram Mauritaniz  
 tribus cum navibus commercium  
 cum illis populis haberent, His-  
 paniz Regis naves, quæ per illa  
 litora prædabantur, eas nocte in  
 Saphio & Sancta Crucis statione,  
 dum in anchoris ibi stabant, di-  
 ripuerunt; hac solâ ratione  
 redditâ, Nolle Regem Dominum  
 suum cum Infidelibus commerci-  
 um permitttere: quorum damna  
 amplius duobus millib. librarum  
 æstimata sunt.*

in potestate neque in fide ejus sunt, nos tamen authoritatem ejusmodi nullam neque in Papa, neque in Hispaniæ Rege agnoscimus, ut possit vel Indis jus libertatis suæ, vel nobis concessum naturæ gentiumque legibus jus versandi cum illis, & commercium habendi adimere, cum iis præsertim, ut supradiximus, qui in potestate ac ditione Regis Hispaniæ non sunt.

Alterum impedimentum renovandi fœderis cum Hispanis manifestum est atque insignæ, nec non ejusmodi, ut Legatis ac Ministris publicis in Hispanicam ditionem vel de amicitia vel de alio quovis inter utramque Rempublicam negotio missis, fiduciam omnem incolumitatis præcidat, ubi Rex opinionibus ejusmodi obstrictus est, ut per eas Legatis & Ministris publicis, ne in summo vitæ periculo versentur, incolumitatem a sicariis præstare non possit: quorum jus, ut principum Rerumque publicarum usus inter se, & amicitia conservetur, gentium jure semper inviolabile est existimatum, iisque asylis multo sanctius, quorum privilegia (authoritate Pontificis

ficis & Romanæ Ecclesiæ fundata) adhibita hætenus fuere ad elidendam vim legum atque iustitiæ; quam exequendam subinde poposcimus in interfectores Dom. Antonii Ascham, qui idcirco missus ab hac Republica in Hispaniam fuit; ut usum & amicitiam inter utramque gentem promoveret ac stabiliret. Cujus barbaræ cædis nulla satisfactio, nullum supplicium neque sumptum est; neque impetrari unquam potuit, quamvis a Parlamento postularetur ejulque nomine a Concilio statim vehementer ac sæpius esset flagitatum. Quod quidem fœderis inter utramque gentem, Prolocutoris manu obsignatis, ad Hispaniæ Regem mense Januario 1650, his verbis, *Majestatem tamen vestram rogatam volumus insistimusque, uti Iustitia publica tandem satisfiat super cæde Antonii Ascham Residentis nostri flagitiosa, eo magis quod post istius modi facinoris auctores merito supplicio affectos, in exilium vestram Regiam Oratorem nostrum non dubitabimus delegare, ea expositurum que non minus Majestati vestra poterunt inservire quam rei nostra publica. Ex adverso, si nos sanguinem illum tot circumstantiis insignitum inultum pateremur, ceram Deo unico liberatore perennique misericordiarum nostrarum fente; & coram natione Anglicana participes nos fore criminis necesse est; Precipue, si alium adhuc Anglum in illud velimus regnum mittere, ubi fas est impune trucidari. Nos vero tanti estimamus Majestatem vestram, ut non facile simus credituri potentiam vestram Regiam in ditionibus ipsi subjectis alienæ cuiuspiam potentie subjectam esse.*

\* Hoc  
constat  
ex literis  
Parlamenti

rehovandi continuatum haecenus impedi-  
mentum atq; iustissimum fuit, immò verò  
(pro eo quod ab aliis nationibus factitatum  
est) iusta belli causa censi potuit.

Quod autem ad controversias in occi-  
dentali India exortas, cum tam in ipsa con-  
tinente quam in insulis Coloniarum nobis quo-  
que sint Americanae, easque jure non dete-  
riorè, immò meliore possideamus quam  
Hispani suarum ullas obtineant, parique  
jure ea maria navigare nobis liberum sit,  
sine ulla tamen causâ, nullâque prorsus in-  
juriâ læsi (idque ubi de commercio con-  
troversia nulla versata est) tamen perpetuò  
Colonias nostras hostiliter invaserunt, no-  
stroshomines interfecerunt, naves ceperunt,  
bona diripuerunt, ædificia sationesque va-  
starunt, nostros populares captivos in ser-  
vitutem abduxerunt; atque hæc facere non  
destiterunt ad illud usque tempus in quo  
hanc nuper expeditionem contra eos sus-  
cepimus.

Ob quam causam, contra quàm antehac  
in hujusmodi occasione fieri consuevit,  
ubique ferè ditionis Hispanicæ naves no-  
stras

stras negotiatoresque omnes resinuerunt, eorumque bona proscripserunt; adeo ut, sive ad Americam, sive ad Europam oculos convertamus, belli authores ipsi soli existimandi sunt, quæque ex eo cædes atque incommoda sequi poterunt iis omnibus causam ipsi præbuisse.

Exempla perpetuæ crudelissimæque hostilitatis in occidentali India, etiam pacis <sup>\* Navis</sup> tempore ab Hispanis in Anglos edita, & ab <sup>quæ-</sup> anno 1604, cum ab Jacobo Rege coag- <sup>dam U-</sup> mentata pax est, usque dum rursus bellum <sup>lysis</sup> erupit, & ab ea pace quæ anno 1630, pro- <sup>nomine</sup> ximè facta est, ad hanc usque diem per <sup>insigni-</sup> multa sunt perque inhumana & cruenta: <sup>ta, cum</sup> <sup>per orā</sup> <sup>Guiana</sup> <sup>Merca-</sup> <sup>turam</sup> <sup>\*</sup> pauca attulisse satis habebimus.

faceret, & mercatores ac nautæ, adducti fide ac jurejurando Berrei illius loci præfecti, in terram exissent, eorum tamen triginta capti & in custodiam traditi sunt: Scribit deinde ad mercatorem præfectus se quidem triginta ex suis nautis cepisse, ideo quod nonnulli exteri, qui mercandi causâ illuc appulerant, viginti millibus ducatis ipsum fraudaverant; quos nummos si sibi misisset, remissurum se ei omnes suos juravit, & commercii potestatem facturum. Mercator partim numeratò, partim mercium æstimatione optatam ei summam mittit: quam cum præfectus Berreus accepisset, alligatos ad arbores illos homines triginta strangulari jussit, excepto solo Chirurgo qui ad sanandum præfecti mortuum asservatus est. Hæc redemptionis aliis cum damnis ibi datis septem millibus librarum æstimata est.

Post



Post factam pacem anno 1603, Navis Maria dicta, *Ambrosio Birch* magistro, ad septentrionalem Hispaniolæ oram in occidentali India mercaturas faciebat; magister, cum a Sacerdote quodam patre Joanne, sic enim nominabatur, cum sex sociis, tuti & liberi commercii promissis allectus esset ut in terram videndarum mercium quarundam causâ egrederetur, & Hispani duodecim ad Anglicanas merces inspicendas in navem ascenderent, dum Angli suas merces ostendunt nihil doli metuentes, dante signum ab littore Sacerdote, Hispani, eductâ quisque sicâ, omnes in navi Anglos jugularunt, præter duos duntaxat qui in Mare desiluerunt; cæteri in terra exquisitis cruciatibus necati sunt; magister ipse, exutus vestibus & ad arborem alligatus, nudus muscarum morsibus expositus est; ubi post horas viginti Nigrita quidam, audito hominis ejulatu, accedens, jam antè moribundum lanceâ transfixit: Navis hæc cum mercibus quinque millibus & quadringentis libris æstimata est.

Alia navis, cui nomen *Arcturæ*, eodem anno



anno ad Sanctum Dominicum capta est, nautæque omnes interfecti: hæc navis mille trecentis libris æstimata est.

Alia navis dicta *Amicitia Londinensis*, cum navigio suo a *Lodovico Fajardo*, classis Regiæ Hispaniensis Nauarcho, capta est, navis cum bonis omnibus publicata, mercatores ac nautici in Mare demersi, præter unum puerum, qui ad serviendum est servatus: Hæc navis cum navigio quinque mille & quingentis libris æstimata est.

Ex alia navi, cui nomen *The Scorn*, cum omnes nautæ, Hispanorum dejectionibus confisi, in terram egressi essent, omnes tamen alligati ad arbores & strangulati sunt. Ubi Mercatores & navem & bona omnia amiserunt, mille quingentis libris æstimata.

Anno 1606 navis, cui nomen *Neptunus*, ad Tortugam ab Hispanorum navibus prædatoriis capta est, quatuor millibus & trecentis libris æstimata.

*Ioannes Davis* duo navigia cum omnibus bonis amisit, interfectis eorum omnibus nautis, ad illius navigationis interitum, unde trium millium & quingentarum librarum jacturam fecit.

Eodem anno navis alia, quæ *Alauda* nominata

minata est, a Lodovico Fajardo capta, & cum toto onere publicata est; quæ quatuor millibus quingentis & septuaginta libris est æstimata.

Alia navis Mercatorum quorundam *Londonensium*, (cujus magister erat *Johannes Lock*) a classe Hispanorum ad insulam Tortugam capta est, propterea quod mercaturam fecisset, & arbores cecidisset, ob id navis est publicata, & nauticorum plerique morte multati, reliqui ad triremes damnati: Hic quinque millium & trecentarum librarum jactura facta est.

Navis alia, cui nomen *Castor & Pollux*, ab Hispanis ad Floridam capta est, qui & eam publicârunt nautasq; omnes vel necaverunt, vel in servitute retinuerunt, nihil enim de iis postea est auditum: Hæc navis cum suo onere quindecim mille libris æstimata est.

Anno 1608, navis *Plimouthensis* *Richarda* nominata, cujus Præfectus erat *Henricus Challins*, Domini *Pophami* summi Angliæ Justiciarii *Ferdinandi Gorges*, ordinis equestris, aliorumque sumptibus instructa, ut Virginiam peteret, ad australem Canariarum insularum partem vi tempestatûm delata, cum inde cursum ad destinatam oram tenuisset, sub latitudine 27 graduum in undecim naves Hispanicas ab Sancto

Sancto Dominico redeuntes fortè incidit; quæ ipsam ceperunt, & quanquam præfectus navis diploma regium protulit, quo se expediret, tamen navis cum bonis publica facta est, ipse crudeliter habitus, & ad triremes missus. Unde amplius duo mille & quingentæ libræ sunt amissæ.

Simile quiddam navi alteri, cui nomen *The Ayde*, factum est a Lodovico Fajardo captæ, obtentu amicitia; hæc item cum bonis publicata est, omnesque nautæ, ad triremes abducti; ubi nonnulli fustibus, ad necem pulsati sunt, quod remigium recusassent. Quæ navis & bona, Hispanis ipsis æstimantibus, septem millibus librarum æstimata sunt.

Eodem anno Navis alia, Anna Gallant appellata, magistro *Gulielmo Curry*, cum ad Hispaniolam mercaturas faceret, similiter & navis & bona publica facta sunt, omnesque nautæ suspendio necati, assutis unicuique ad ludibrium chartulis, in quibus erat scriptum, *Cur hæc venistis?* Hæc navis cum onere octo millibus librarum æstimata est.

Hæc exempla satis ostendunt, cujusmo-

D

di

di nobis Pacem Hispani in occidentali India temporibus Jacobi servarunt; qui Rex diligentissimè curavit vel potius pertimuit ne Pax cum iis dirimeretur. Ejusmodi hostilia planè & cruenta vestigia, ab illa etiam proxima Pace, quæ anno 1630 confecta est, ad hanc usque diem, persequi licet.

De iis coloniis, quæ, ab hujus nationis nobilibus quibusdam viris, in insulam Catelinam (ab his Providentiæ dictam) & in insulam Tortugam (ab iisdem Associationis dictam) deductæ sunt, primum dicemus. Hæ autem anno circiter 1629, cum essent incolarum & pecorum omnino vacuæ, indicto inter Anglos & Hispanos tunc temporis bello, ab Anglis occupatæ sunt atque possessæ. Sequenti anno Pace inter utramque gentem factâ, cum de iis insulis haudquaquam ab Hispanis in fœdere exciperetur, Carolus Rex, non impediri se hâc Pace arbitratus, suo diplomate, quod & magno sigillo Angliæ signatum erat, supradictam insulam Providentiæ, simul & alias vicinas ditionis esse suæ declaravit; easque nobilibus quibusdam viris eorū-  
que.

que hæredibus possidendas concessit; & sequente anno ad Tortugam usque insulam concessionem illam extendit.

Et quanquam supradicti Coloni, ejusdem Regis concessione in earum insularum possessionem venerant, eaque concessio jure optimo fundata erat, primum Naturæ, eò quòd neque Hispani, neque alii quicunque in eorum locorum possessione essent, deinde Belli, quandoquidem belli tempore occupatæ sunt, & in Pacis articulis nequaquam exceptæ, unde extinguì jus Hispanorum (si quod illic juris habuissent) ipsorum assensu, ex secundo proximi fœderis articulo, sequitur, quanquam etiam neque supradicta Colonorum Societas, nec suorum quisquam ullo suo factò justam offensionis causam vel Hispaniæ Regi, vel Hispanorum cuiquam præbuerat, donec priores ipsi naves nostras atque Colonias vi invalissent, & Anglorum haud paucos, incensis etiam eorum ædificiis ac sedibus, interfecissent, Hispani tamen, cum nullam iis in locis pacem servare statuissent, circa 22 Januarii 1632, nullâ injuriâ laceßiti, na-

venit quandam societatis, cui nomen Flos Marinus, ab insula Providentiæ redeuntem, inter Tortugam & Floridæ caput hostiliter aggressi sunt, in qua pugna nonnullos in ea navi occiderunt, alios vulnerarunt.

Post hæc anno circiter 1634, Tortuga insula ab Hispanis cum quatuor navibus oppugnata est, cum ab Anglis nulla injuria exorta esset: in quâ oppugnatione sexaginta vel amplius occisi sunt, multi sauciati ac capti, sedes deletæ, domus incensæ, bona haud parvi pretii ab Hispanis asportata, Angli penitus ex ea insula dejecti, quorum alii suspendio sublati, alii Havanam abduci in servitute miserrimâ retenti sunt; unus præ cæteris, cui nomen *Grymes*, qui in Tortuga Bombardarius fuerat, crudeliter est trucidatus; pars ad desertam quandam insulam confugiens, cui Sanctæ Crucis nomen est, ab Hispanis, qui eoetiam cum tribus navibus longis fugientes persequabantur, oppugnata mense *Martio* 1636, quadraginta occisi, reliqui capti & crudelissimè accepti.

Anno

Anno 1635 *Iulii* 24, Hispani duabus navibus magnis unâque longâ advecti in Providentiâ quoque insulam impetum fecerunt, compluriumque horarum spatio prælium ibi commiserunt; & tum quidem rejecti sunt, & ab incæpto desistere coacti; donec idem rursus tentantes circa annum 1640, cum duodecim navibus magnis & minoribus, quarum Prætorix Armadillo Carthaginensi nomen erat, ex majoribus Regiæ classis Argentariæ trirēnibus, cum magnum militum numerum in terram exposuissent, totius insulæ expugnationem polliciti sibi sunt, verùm, haud parvo accepto incommodo, repulsi denuo recesserunt. Alterâ tamen classe instructâ paulò post cum reverissent, Coloni disidiis laborantes, non tam quâ se ratione defenderent, quam quibus conditionibus commodissimè se dederent, cogitarunt, quas tradita demum insulâ, facitè impetraverunt. Sed insula hoc modo & Colonis erepta est, & Reipublicæ, illis octoginta amplius millium librarum damno dato, huic, detrimento & ignominia



niâ publicâ simul acceptâ. Ita in Hispanorum potestatem cum esset redacta, navis quædam, quæ vectores aliquot ab nova Anglia in eam insulam transmigrantes advexerat, intra ictum Bombardarum calidè perducta est (ignorabat enim eam insulam in Hispanorum potestate jam esse) nec sine permagno discrimine ac difficultate se extricavit, amisso etiam navis magistro, viro probissimo, quem ictus tormenti ab insula dispoli transverberavit.

Nec contenti intra fines Americanos hostilitati suæ in illius Colonix socios modum statuere Hispani, in his etiam partibus Europæ eandem in eos exercuerunt: anno enim 1638 *Decembris* 25, Navis quædam ejusdem societatis, Providentiæ nomine insignita, cui *Thomas Newman* Præfectus erat a Promontorio Dengioleucis duabus in ipsâ Angliæ ora a Sprengfeldio Dunkirkanæ navis prædatoriæ præfecto oppugnata atque capta est; Dunkirkam deinde abducta; ubi navis onera retenta sunt; (quæ multorum etiam illic æstimatione triginta millium librarum summam  
con-



conficere existimabantur) Anglorum autem partim occisi, partim vulnerati, cæteri postquam in ipsa navi suâ barbarè atque inhumanè essent habiti, Dunkirkam abrepti haud melius accepti sunt, donec rationem aliquam profugendi invenissent. Et quamvis supradicti socii satisfactionem omnibus modis postulassent, Rexque proximus per Residentem suum Dom. *Balthasarum Gerberium*, perque literas tam sua manu, quam a Secretario *Coco* scriptas, eorum nomine reparationem poposcisset, nullam tamen neque bonorum restitutionem, neque ob ea ut compensatio ulla fieret impetrare potuerunt.

Sunt & alia recentioris & acerbioris etiam memoriæ exempla, illud nempe Sanctæ Crucis ab Hispanis a Portorico provectis oppugnata anno circiter 1651, insulæ quidem antea non habitata; illo autem tempore Colonia Anglorum, duce Nicolao Philips, eam tenuit; qui cum centum circiter Colonis ab Hispanis crudeliter occisus est; qui etiam naves in portu occuparunt, sedes diripuerunt, vastarunt, & fun-

funditus exciderunt. Cumque plures quos occiderent invenire non possent (cum incolarum pars alia in silvas profugisset) Hispani Portoricum reversi iis miseris & fame propemodum confectis reliquiis ad alias vicinas insulas recipiendi sese, illamque Sanctæ Crucis penitus deferendi, spatium dedere. Sed brevi post tempore Hispani ad pervestigandum & quasi venandum eos qui in silvas sese abdiderant, revertunt: verum illi ex manibus eorum effugiendi, & in alias insulas dilabendi rationem aliquam invenerunt.

Eodem anno 1651, Navis quædam Joannis Turneri, cum esset in portum Cumanagotæ vehementioribus ventis appulsa, ab illius loci præfecto occupata & cum omni onere in fiscum redacta est.

Similiter etiam factum fuerat eodem in portu navi cuidam *Joannis Blandi*, cui Præfectus erat *Nicolaus Philippus*.

Similiter factum est navi & bonis Capitanei Cranlei.

Et anno 1650 Navis quædam *Samuelis Wilson*, quæ Barbados insulas perebat, equis onusta, in alto capta & Havanam abducta est;

est; navis & bona publicata, nautarum plerique in custodiam traditi, & mancipiorum more in munimentis operas dare coacti.

Similia experti sunt nautæ cujusdam navis Barnstapulensis, annis abhinc circiter duobus, quæ navis cum propè Hispaniolam, dum a Coloniis quibusdam nostris in insulis *Caribiis* reverteret, rimas agere capisset undamque accipere, nautæ ejus in Scapha sibi consulere coacti ad litus evaserunt, ubi omnes captivi facti, mancipiorum ritu, in munimentis operas dare cogebantur.

His, aliisque permultis hujusmodi exemplis, quæ omnia recitare nimis longum esset, manifestissimum est Hispaniæ Regem eique Subjectos arbitrari se nulla Pacis conditione nobis præstandâ illis in regionibus obligari: cum & omne genus hostilitatis in nos exercere, immò graviora hostilitate, consueverint, eaque inhumanitas, quâ illic Anglos tractare solent, usque eò a Pacis legibus

E

aliena

aliena sit, ut ne belli quidem legibus non internecini convenire videatur. In illo tamen Hispaniæ Regis Embargo, quo mercatorum nostrorum naves ac bona proscribi ac retineri imperat, in Anglos culpa omnis confertur; quasi *Fædisfragos* nimirum & *Sacrosanctæ Pacis* atque *Commercii liberi violatores* tam Religiose ut ipse ait ab se servati; idque tam inopinata atque professæ hostilitate fecisse nos, ut urbem Sancti Dominici in Hispaniola insula oppugnare adoreremur. Quod solum causæ affertur, quamobrem Anglorum bona in Hispania proscribantur, negotiatoresque retineantur: quanquam & hoc prædicatâ ejus huma-

\*At, ve- nitate exaggeratum est, *Se nostras classes*  
 ro Na- in \* *Portus suos, quoscunque ingredi aut attin-*  
 varchus gere commodum nobis fuisset, amice recepisse;  
 noster  
*Swan-*

*leius* in *Sicilia* non ita est amicè in *Portu Drepani* acceptus, ubi anno 1653, circa n. e. sem Junium Navis ejus, cui nomen *Henricus Bonaventura*, unâ cum *Hollandicâ* Navi magna & opulentissima, cui nomen *Petro*, quam ceperat, proditione Hispanici præfecti, qui ei loco præerat, a septem navibus *Hollandicis* junioris *Trumpii* ductu, in ipso portu, non longius a munimentis quam sclopi minoris ictus ferri potuit, oppressa est; unde mercatores, quorum illa navis fuit, plus sexaginta tribus millibus librarum amiserunt.

neque

*neque Ministros suos exegisse rigide a nobis illos Pacis articulos inter utramque Coronam sanctos, qui cum amplius sex vel octo navibus bellicis intrare portus utrinque vetant.*

Verum quemadmodum ipse dum hæc dicit, classes nostras omni commisso ac fœderis violatione illis in portibus absolvit, cum, siquid ejusmodi, quod objicitur, factum & condonatum sit, id ipsius & Ministrorum suorum permisso ac bonâ veniâ sit factum, & quemadmodum luce clarius est non eum gratuito tam facilem fuisse, si, quanta a classibus nostris momenta suis rationibus accesserint, secum cogitet, ita è contrario Rex ille ejusque Ministri, quas ipse commemorat pactiones minimè sanè observârunt; quarum Articulo vigesimo tertio tam disertè cautum est, *Si contingat ut displicentiæ inter utramque Rempublicam ori-  
antur, ut subditi hinc inde ita ea de re admon-  
antur; ut sex menses a tempore monitionis habe-  
ant ad transportandas merces suas, nulla interea  
arrestatione, interruptione, aut damno persona-*

- *rum aut mercium suarum faciendis vel dandis.*  
 Qua in re Rex ille exiguam sanè pactio-  
 num illarum, quas contra nos profert, in  
 illa nuper nostrarum rerum præscriptione  
 rationem habuit. Quod autem in eo edi-  
 cto declarat, hostilitatem in occidentali  
 India exortam, his in partibus violatio-  
 nem pacis liberique commercii haben-  
 dam esse, nova, adeoque alia plane inter-  
 pretatio est, atque hætenus ab utraque Re-  
 publica in medium unquam allata est;  
 tametsi hoc declarandi occasiones utrin-  
 que non defuere.

Verùm cum Hispaniæ Rex ipse & ver-  
 bis & re ipsâ declaraverit pacis articulos  
 intelligi sic debere, efficitur hinc ut tot  
 contra Anglos iis in regionibus hostili-  
 tæ factis & ab ipso primum exortis, & ab  
 ipso tempore proximè percussi fœderis,  
 ut supradietum est, huc usque continua-  
 tis, ab se primo soluta sacra amicitiae vin-  
 cula ipse se coarguisse videatur. Quæ res  
 tam clara per se & manifesta est, ut ad-  
 versarios nostros certè ipsos puduerit in  
 hac

hac controversia factum negare, de jure potius nobiscum disceptaturos; quemadmodum scilicet Hispaniæ Rex, inter titulos suos, *Regis Indiarum* titulum sibi sumpsit, ita universam Indiam, maréque Indicum tam Boreale quam Australe suam esse propriam ditionem, hostésque omnes & piratas esse qui ejus injussu illuc accesserint. Quod si ita esset, & nos & omnes cæteræ nationes, quicquid iis in locis possidemus, ei relinquere ac reddere, &, reductis Coloniis nostris, injuriæ sibi factæ veniam petere deberemus. Verum si rationem ac veritatem illius tituli altius inspiciamus, tenui admodum atque infirmo eum niti fundamento comperiemus, quo tanta contentionum ac belli moles superstruenda sit, quantam hanc verisimile est futuram.

Duplex titulus præfertur, Papam videlicet ea loca donasse, seque primos omnium perlustrasse: ad primum quod attinet, scimus Papam in donandis Regnis ac regionibus liberalissimum semper fuisse,  
illi

illi interea dissimillimum cuius Vicarium se esse profitetur, qui ne hoc quidem tantulum sibi sumere volebat, ut in dividundis hæreditatibus constitui se iudicem pateretur, nedum ut suo arbitrio cuiquam donaret, quemadmodum Angliam, Hiberniam, aliaque Regna Papa largitus est. Verum nos auctoritatem in eo istiusmodi nullam agnoscimus, neque gentem ullam usque adeo mentis inopem existimamus, ut in eo tantam auctoritatem inesse credat; vel Hispani ipsi ut credant, aut essent assensuri, si ab iis Papa tantum abjudicasset quantum largitus est. Quod si Galli atque alii, qui auctoritatem Papalem in Ecclesiasticis rebus agnoscunt, hunc Hispanorum titulum pro nihilo habent nos ut de eo aliter sentiamus non est expectandum, adeoque hoc relinquimus, responso ampliore prorsus indignum.

Sed neque alter Titulus majoris est ponderis; quasi verò, si Hispani paucas quasdam Americæ partes primi perscrutati



tati sunt, insulisque aliquot, fluminibus, ac Promontoriis nomina imposuere, idcirco novi illius orbis dominium jure sibi acquisivissent. Verum imaginarius ejusmodi Titulus tali præscriptione nixus sine possessione jus aliquod verum aut legitimum creare non potest. Jus optimum tenendi Americanis in locis quod quisque habet, est Coloniarum deductio, & possessio vel ubi nulli omnino incolæ fuere, vel, sicubi fuere, eorum assensu, vel saltem in desertis quibusdam suarum regionum & incultis locis, quibus vel colendis vel habitandis ipsi non sufficiant; quandoquidem Deus terram hominum usibus creavit, præcepitque iis ut universam implerent.

Hoc si verum est, quemadmodum Hispani iniquissimo jure parta illic obtinere invenientur; cum omnia invitis incolis, & quasi ex ipsis eorum visceribus sibi acquisiverint, quorum sanguine suum imperium illic fundârunt, magnasque insulas & regiones totas non reperere quidem

dem desertas sed reddidere; indigenis omnibus eradicatis, ita Angli, quæ illic habent, jure optimo possederint; easque nominatim insulas in quibus Hispani Colonias eorum oppugnarunt atque deleverunt; quæ aut incolas omnino non habuere, aut si ab Hispanis interfectos, desertæ etiam ab iisdem & sine cultoribus relictæ sunt: adeo ut naturæ gentiumque jure occupantibus quibusvis eas & possidentibus cedant; juxta illud in legibus notissimum, *Quæ nullius sunt & pro derelictis habentur, cedunt occupanti.* Quamquam si Hispanos expulsemus iis locis in quæ nostras Colonias deduximus, unde ipsi prius incolas radiciter exturbaverant, nos tanquam occisionum & injuriarum illius populi ultores meliore jure regiones illas obtinuissemus, quam oppressores ejusdem & interfectores. Cum autem nostræ Coloniae iis in locis fuerint, ubi neque Indigenæ neque Hispani possessionem ullam tenuerunt, neque habitationes ullas aut pecora post se reliquerant,

querant, aliâve rem, quæ possit ullo modo jus possessionis retinere, tanto evidentius jus nostrum iis in locis fuit & Hispanorum injuriæ nobis illatæ tantò apertiores; iis præfertim in locis quæ indicti utrinque belli tempore occupata sunt (quo in genere Providentiæ insula atque Tortugæ fuit) quas si Hispani suas esse ullo priore Titulo necdum prolato ostendere potuissent, tamen cum in pacis proximæ tractatione id non fecerint, per secundum ejus Articulum talem omnem prætextum ipsi sibi in posterum amputârunt, jusque ipsi suum, si quod erat, extinxerunt.

Hoc argumentum copiosius tractare nihil attinet; neque est quisquam rerum peritus quin facilè perspiciat quàm inanes atque infirmæ sint istæ rationes quibus innixus Hispanus, tam immensi tractûs imperium arrogare sibi soli non dubitat. Verùm id egimus ut obtentuum istorum debilitatem paucis aperiremus, quibus Hispani quicquid in nos indignè atque atrociter in occidentali India commiserunt, de-

F

fendere

fendere conantur ; mancipationes, suspensio-  
 dia, demersiones, cruciatusque nostrorum  
 hominum ac neces, navium ac bonorum  
 spoliationes, Coloniarum summa in Pace  
 depopulationes idque nullâ prorsus inju-  
 riâ affecti, ut Anglicana gens quoties hæc  
 tam acerba atque atrocia in suum sangui-  
 nem, & ejusdem Orthodoxæ Fidei cultor-  
 es perpetrata meminerit, non naves belli-  
 cas sed decus suum omne obsolescere &  
 interire cogitet, si his indignissimis mo-  
 dis tractari sese diutiùs æquo animo pati-  
 atur ; neque solùm tanta ac tam opulenta  
 orbis terrarum parte contra jus legesque  
 gentium communes ab omni libero com-  
 mercio excludi, verùm etiam pro piratis  
 atque prædonibus haberi, eodemque sup-  
 plicio plecti, si illa maria navigare, si vel  
 aspicere vel aspirare, si denique vel cum no-  
 stris ibi Colonis usum aliquem aut com-  
 mercium habere ausa fuerit.

De Inquisitione Hispanicâ sanguinariâ  
 nihil dicimus, inimicitiarum causâ uni-  
 versis Protestantibus communi ; neque  
 de tot Seminariis Sacerdotum ac Jesuita-  
 rum

rum Anglicorum sub Hispanico patrocini-  
 nio nidulantium, offensionis causâ & pe-  
 riculi gravissimi huic Reipublicæ pro-  
 priâ; cum propositum nobis potissimum  
 sit controversiarum in occidentali India  
 nostrarum causas & rationes exponere.  
 Hoc verò æquioribus cunctis & incorru-  
 ptis rerum æstimatoribus planum fecisse  
 confidimus, Necessitatem, Existimatio-  
 nem, Justitiam ad hanc nuper susceptam  
 Expeditionem nos evocasse; Necessitatem,  
 bellandum enim necessario est si per His-  
 panos Pacem colere non licet; Existima-  
 tionem atque Justitiam, neutra enim ha-  
 rum nobis constare poterit, si injurias tam  
 inhumanas atque intolerandas impunè ci-  
 vibus nostris, ac popularibus inferri desides  
 patiemur, quales in occidentali India illa-  
 tas iis esse demonstravimus.

Et certè parum vident, qui de consiliis ac  
 rationibus Hispanicis conjecturam capiunt  
 ex ea personâ ac specie quam in præsentia  
 suarum rerum inclinatio induere versùs nos  
 in his orbis terræ partibus coegit; quasi non  
 nunc mens eadem, idem sensus animorum

ac rationum suarum sint, qui tum fuere, cum anno 1588, subjugare hanc totam insulam suamque sub imperium ac ditionem subjungere affectabant, immò quasi ex hoc immutato apud nos rerum statu formaque Reipublicæ non accensa potius eorum in nos odia auctæque suspiciones sint. Quòd si hæc opportunitas, quæ, propter nonnulla quædam quæ nuper acciderunt, ineundi rationem aliquam, quâ ab hoc tam vetere & implacato Religionis nostræ, ac patriæ hoste nobismetipsis (Deo bene juvante) consulere possimus, occasionem fortè suppeditaverit, prætermissa fuerit, fieri poterit ut eas vires faciliè sit recuperaturus (animus enim certè illi neque unquam deerit neque deesse poterit) ex quibus intolerandus æquè & formidabilis reddi possit atque antea fuerit. Nos interea si injurias tam immanes in occidentali India sine satisfactione ulla aut vindicta nostris fieri, si excludi nos omnes ab illa tam insigni orbis terrarum parte, si infestum atque inveteratum hostem nostrum (Pace præsertim cum Batavis jam factâ) ingentes illos ab occidentali India the-

thesauros, quibus præsentia incommoda  
 facere possit, nostrâ pace domum deper-  
 tate, resque suas in eum rursus locum re-  
 stituere patiemur, quò eandem iterum pos-  
 sit deliberationem suscipere, quam anno  
 1588 habuit, *Utrum fuisset consuetus ad recu-  
 perandas Belgii sœderatas Provinciâs initium fe-  
 cere ab Anglia, an ab illis ad subigendam Angliam;*  
 proculdubiò non minus multas immò plu-  
 res causas excogitabit, cur potius ab Anglia  
 initium sit faciendum: Quæ enim finem ut asse-  
 quantur ullo tempore ea consilia, si Deus  
 permitteret, expectare merito possemus ut  
 in nos primos, in omnes deniq; ubicûq; Pro-  
 testantes exerceatur quod restat occisionis  
 illius immanissimæ, quam fratres nostri in  
 Alpiniis vallibus passi nuper sunt: quæ, si  
 illorum miserorum editis querimoniis Or-  
 thodoxorum credendum sit, per illos fra-  
 tercùlos, Missionarios quos vocant, Hispani-  
 cæ aulæ consiliis intimis informata primi-  
 tûs ac designata erat.

His omnibus animadversis, speramus  
 quidem fore, ut omnes Angli, præsertim  
 sinceri, privatas adversùs se mutuò inimi-  
 citias



citias deposituri sint, suisque propriis com-  
 modis potius renunciaturi quam propter  
 cupiditatem lucri, haud ita multi, ex merca-  
 turis illis faciendi (quod non nisi inhonestis  
 conditionibus & quodammodo improbis  
 parari, & aliunde etiam suppeditari pote-  
 rit) multorum adolescentium negotiato-  
 rum animas, ex iis conditionibus quibus  
 nunc in Hispania negotiantur & degunt,  
 summo periculo, sicuti faciunt, objecturi;  
 vitamque & fortunas multorum in Ame-  
 rica fratrum Christianorum, hujus deni-  
 que nationis totius agi existimationem pas-  
 suri; quodque gravissimum est, oblatas  
 sibi a Deo ad gloriam ipsius, regnumque  
 Christi amplificandum opportunitates  
 præclarissimas ex manibus dimissuri. Quæ  
 quidem non dubitamus quin, remotis quæ  
 veritati penitus inspiciendæ officiunt, ex-  
 peditionis nuper nostræ in occidentalem  
 Indiam contra Hispanos susceptæ potissi-  
 mum fuisse finem appareat.

*F I N I S.*

